

۵ باشقابیر دو دنیا مومکون دور پاکستان دا

جینسی و جینسیتی آزلیق لارین موجدادیلہ تاریخی



شش رنگ (ایرانلی لزیبن لرو ترنسجندرلر شبکه سی)

«باشقا بىر دونيا مومكون دور»

پاكيستان دا جينسى و جينسىتى آزليق لارين موجديله تاريخى



شش رنگ (ايرانلى لزين لر و ترنسجندرلر شبكه سى)

ایچینده کی لر:

- ۴..... گیریش
- ۵..... پاکستان دا جینسی و جینسیتی آزلیق لارین موجدیله تاریخی.
- ۷..... موستملکچیلیک، ایسلام و ائشجینسل مونسبتلری کیریمینالیزه ائتمک.
- ۹..... جینسی و جینسیتی آزلیق لار ساحه سینده پاکستان توپلومونون پارادوکس لار.
- ۱۱..... ترنسجندرلر و باشقا جینسی و جینسیتی آزلیق لارین آراسیندا کی بوشلوق (لگت+).
- ۱۴..... هیجرالار و ترنسجندرلر حرکاتی و باشاریلاری
- ۱۹..... پاکستانین ۲۰۱۸-۲۰۲۴ ایل لری آراسیندا قانونی دییشیکلیکلری.
- ۲۴..... نتیجه
- ۲۵..... قوللانیلان بعضی قایناق لار.

بو تون دونيادا لگبت+ توپلومونون (ائشجينسل، بىسكسوال، ترنس شخص لار و اينترسكس لار) ميليون لار جا عوضوو، توپلوملارينداكى حاكيم كليشه لرله فرقىلى اولان جينسى يۇنليم و جينسىتى كيمليك لريني گۇرونجه، تكجه اونلارين «فرقىلى» اولدوغونو دوشونورلر، و بعضن حياتلارينين سونونا كيمين يالنيزليك حيسسيندن آجى چكىرلر. اونلار چكديكلرى آجى نين اونلارا مخصوص اولدوغونو و بيتمه يين بير آجى اولدوغونو و بو وضعيتى ديشه بيلميه جاقلارينى دوشونورلر. اما اۇزلى كيمين لرى آختارانلار آنلايا جاق لار كى اونلار بو پرابلملى دونيادا يالنيز دئييل لر و چئوره لرينده و ياشادىقلارى توپلومدا بير چوخ اونلار كيمين اينسان لار، عيني حيس لرى، پاربلم لرى، آجى لارى و شادلىق لارى تجربه ائتميش لر و ائديرلر. باشقالارى تانيمانين سايه سينده و اورتاق آجى لار حاققيندا اونلارا دانيشماق، وضعيتى ديشمك يول لاريني و چيخيش يول لارى كشف ائديلب و چؤزولور.

«باشقا بير دونيا مومكون دور» توپلوسو، بو آماج لا توپلانيب، ترجمه ائديلب و يايينلانميش. بو توپلو ايران لگبت+ توپلومونون عوضولرينه تكجه اونلارين ياشام طرز لرينين جورم ساييلماسى و سوسيال و قانونى زوراكيلق لاردان ناراحات اولمامالاريني، بلكه كئچميشده و گونوموزده بير چوخ شخصين بو پرابلم لرله قارشىلاشديق لاريني و اساس حقوق لارى و اينسانى كيرامت لرى اوچون موجديله ائديكلرينى دئمك ايسته بير.

ايران لگبت+ توپلومونون باشقا اولكه لرين تاريخينى دقيق بير شكيلده تانيماسى ايله و اونلارين الهه ائديكلرى باشاريلار و پرابلم لرى گورمه سى ايله، طلب لرى و ايستكلرينى الهه ائتمه لرى اوچون يئنى و داها تاثيرلى يول لار تاپماسى اومودويلا بو توپلودا، هيند، آلمانيا، توركيه، نپال و پاكستان كيمين اولكه لرين لگبت+ حركاتينين قانون لارى و سياست لرى ديشمك اوچون تجروبه لريني توپلادىق.

بو وئرسيا ۲۰۲۴ ايلينده يئنيلندى و بو اولكه لرده جينسى و جينسىتى آزلىق لارين سون ايل لرده كى موجديله سى ده ديقته آليندى. بو توپلونون بئشيجى بؤلومونده، پاكستان داكى ديشيكلىكلر و اينكيشاف لار آراشديريلميش.

بو خولاصه، پاكستان دا جينسى و جينسىتى آزلىق لار حقوقونو مودافيعه ائدن آكتيوستلر و اورقان لارين چاباسى ايله اولان ديشيكلىك و اينكيشاف تاريخى دير. بو توپلونون بيرينجى سئرىسى هيند تاريخى، ايكنجى سئرىسى آلمانيا تاريخى، اوچونجو سئرىسى توركيه تاريخى و

دوردونجو سئريسي نپال تاريخي دير كي شش رنگ شبكه سي نين وبسيته سي و سوسيال شبكه لر يندن تاميني الده انده بيلرسينيز.

پاكيستان دا جينسي و جينسيتي آزليق لار حرکاتي نين تاريخي


پاكيستان دا جينسي و جينسيتي آزليق لار دواملي سوسيال تابولار و آيري سئچکيليك باسقيسي آلتيندالار كي بو وضعیت بير باشا اولنلارين پاكيستاندا كي حوقی وضعیتله علاقه لي دير. حتی داها بؤيوك شهرلرده و جمعيت لرده جينسي و جينسيتي آزليق لار هتروسكسوال اولمايان مونسبيت لريني و حيات لاريني محدودلاشديرماغا مجبور اولورلار. هتروسكسوال اولمايان جينسيتي بيان، كيمليك و يؤوليم، و ايکيلي جينسيتي ائشيه بينده اولان جينسيت لر پاكيستان دا محكمه طرفيندن تعقيب آلتينا آينا بيلر. محكمه تعقيبي آلتينا آينا بيلديگي اوچون قانوني گورونن بو مساله، داها گئنیش بير سوپه ده اولنلارين حيات طرز لريني كيريميناليزه انده بيلر.

پاكيستان جزا قانونو ائشجينس لرين حياتي اوچون جزالار نظرده توتوب و ايكي ائشجينس آراسيندا اولان مونسبيت لره عيني زاماندا آغير جزالار وئريلر. بو جزالار حتی بعضي حال لاردا اوخشار وضعیت لرده ده موختليف شكيلده تطبيق ائديلير. بو جزا قانونو ۱۸۶۰ جي ايلده، پاكيستانين «هينديستان» ين بير حيسسه سي اولدوغو دورده موستملكه شرايطينده ترتيب اولونوب و بئله ليكله، جينسي و جينسيتي آزينليق لارين جيناييت حساب ائديلمه سي بيريتانيا موستملكه سي تاريخينه بير باشا باغليدير. بو مستمله كه جي قانون «سودومي» كيمي بير ايفاده آدي آلتيندا ائشجينس آراسيندا كي جينسي داورانيش جورم سايبير. سودومي، خيرستانليغيين بير اوخونوشونا اساس لانير كي بو اوخونوشا گوره، هر هانسي بير جينسي داورانيش و مونسبيت «اوشاق دوغورما» پتانسيلينه ماليك دئييلسه، آنورمال و گوناھكار حساب اولونور. بو گون اسلامين موختليف ايضاح لاري و پاكيستان جمعيتينين بؤيوك حيسسه سي نين عنعنه وي ياپيسي دا جينسي و جينسيتي آزينليق لارين داها چوخ تضييق آلتيندا قالماسينا شرايط يارادير. هرچند كي، حاضيردا پاكيستان دؤولتي ترنس شخص لر اوچون نيسبتن دستكله ييجي قانون لار قبول ائديب، اما ايكي يئتكين ائشجينس آراسيندا راضيلقلي مونسبيت شريعت قانونلارينا اساسن، جریمه، حبس و ايشگنجه ايله بيرليکده دير. ديني قروپ لار و اولنلارين ليدرلري، خصوصي ايله ده، ايكي ائشجينس آراسيندا كي مونسبيت لره آچيق شكيلده قارشى چيخيلير. ۲۰۲۱ جي ايلده ايلگا آسيانين حساباتينا گوره، پاكيستانين ديني جمعيتي هئچ بير شكيلده لگت + فردلريني دستكله مير.

بونولا بٹلہ، سون ایل لردہ پاکستان ترنس کیملیگی نین «اوچونجو جینس» کیمی تانینماسی ساحہ سینده خصوصی دییشیکلیک لرشامیشدیر و ترنس فردلره نیسبتن سوسیال گورونورلوک تاملین ائدیلمیش دیر. بوتون موخافیظه کار موسلمان لاردان گلن تضییق لره باخمایاراق، ترنس شخص لریں دستکلنمه سی ساحہ سینده نیسبتن موثبت حوقوقی پییشیکلیک لرش وئرمیش دیر.

«هیجرا» جنوبی آسیادا، خصوصن هیندیستان و پاکستان دا، ترنسجندر، اینترسکس و جینسی کیملیک لری «قادین» و «کیشی» ایکیلیگینه سیغمایان شخص لره وئریلن آددیر. پاکستان دا هیجرالار تخمینن یاریم میلیون نفرلیک بیر اهالی تشکیل ائدیر. سون اون ایلده، جینسی و جینسیتی آزلیق لارینا داییر موشاهیده اولونان دییشیکلیک لرن نتیجه سینده هیجرالار «اوچونجو جینس» اولاراق تانینیبلار. پاکستان بو باخیمدان جینسی و جینسیتی آزلیق لار ساحہ سینده ضیدیتلی و قاریشیق بیر وضعیت نوماییش ائتدیریر. دونیادا چوخ آز اولکه لردن بیریدیر کی، اورادا «اوچونجو جینس» قئید اولونان شخصیت کیملیگی وئریلیر، لاکین هله ده هموسکسوال لار و جینسی و جینسیتی آزلیق لارینین بویوک بیر حیسه سی جورم ساییلیر و بو سببدن یاپیسال و سوسیال تضییق لره معروض قالیرلار.





«اوچونجو جينس» گورونوشونده اولان «شيو» هيند تانريچاسى نين شكيلى

پاكيستان جزا قانونون ۳۷۷ جى پاراگرافى موستملكه دوورنده، ۱۸۶۰ جى ايلدن پاكيستان دا قوهيه مينيپ. بو قانونا گوره «قئيرى طبعى جينسى علاقه» اولراق خاراكتئريزه انديلن، او جومله دن همجينسلرله موناسيبت، عؤمورلوک حبس و يا آن عمومى حالدا ايكي ايلدن اون ايله قدر حبس جزاسى ايله جزالانديرىلا بيلر. موختليف آراشديرمالارا و بين الخاق لزبين، گى، بى سكسوال، ترنسچندر و اينترسكس تشكىلاتى (ايلگا) كيمي قوروم لارين آراشديرمالارينا گوره، پاكيستان دا جينسى و گئندر آزينلىق لارينا قارشى جزا قانون لارى نين تطبيقى ايسلامى اساس لارا دا سؤيكنه بيلر كى، بو حالدا ۱۰۰ قامچى ضربه سى و يا داشقلاق كيمي جزالار وئريله بيلر. ۲۰۰۷ جى ايلده يايملانان بير حسابات دا گؤستريلدىگى كيمي، ۳۷۷ جى پاراگرافا اساسن گى كيشى لر حقوقى تطبيقه معروض قالير، لاکين ايسلامى قانون لارا اساسن قادين لزبين لر ده بو جور تطبيق و جزا ايله اوزلشه بيلرلر.

«سارا سہیل» مستقیلاً فعال و کویر فمینیست، پاکستان دا گنڈر کیملیکری نین موختلیفگی و جینسی آرنلیق لار مسالہ س یایله باغلی شش رنگه دئییر: «اولجه هیجرالار، تاریخن ترنس قادینلارین ایجماسی، مین ایل لردیر کی بو یاریم قربه ده یاشاییرلار. بئله لیکله، بو کیملیک تاریخن موجوددور. بیریتانیا مستملکچیلیگی بو بؤلگه یه گلدیکدن سونرا، بو جور گنڈر موختلیفگی کرال باخیش لاری اوچون تهلوکه لی حساب ائتدی و اونلاری قبیله قانون لاری آلتیندا جینایت سایدی. ائشجینس لر و بی سکسوال لار ایسه همیشه مدنی محدودیت لرله اوزله شییلر. اونلار همیشه وار اولوب لار، اما اینکار و «هئج نه سوروشما و هئج نه دئمه» مدنی ایله قارشیلایشیلار.»

۲۰۱۳ جو ایلین فئورال آییندا «ویوو پوینت (باخیش اچیسى)» ژورنالیندا نشر اولونان بیر مقاله ده، اینسان حاقلاری فعالی «واسیم آلتاف»ین ایسلامدا موختلیف حقوقی نظریه لری و هموموسکسوال لیک مسالہ سینی موختلیف فورمالاردا نظردن کئچیردیگی قئید اولونور. بو مقاله یه ایستینادن، «حنفی مذهبی» هموموسکسوال علاقه لری «زینا» کیمی قبول ائتمیر، لاکین «شافعی مذهبی» هموموسسال علاقه لری «زینا» کیمی قبول ائدیر. لاکین، بورینا قیمتلندیرمه سی ده بوتون حئکایه نی دئییل. بئله کی، بعضی حقوقی مکتبلر اولوی و یا سوبای فردلر اوچون زینانین جزاسینی فرقیلی حساب ائدیر. مثلا «مالیکی مذهبی» اولوی فردلر اوچون زینانین جزاسینی داش قالاق، سوبای فردلر اوچون ایسه قامچی حساب ائدیر. دیگر حقوقی مکتبلر ایسه هر یکی حالدا زینانین جزاسینی داش قالاق حساب ائدیر.

پاکستان دا جینسی آرنلیق لارین آیری سئچکیلیگی و تحقیقه معروض قالماسی و بو سببدن بو جمعیته تطبیق ائدیلن «قارا لکه» دینی اینانچ لارا اساس لانیر و بو، بو جمعیت اوچون اینسان موناسیبت لری قورماغی چوخ چتینلشدیریر. دیگر طرفدن، پاکستان دا اوچونجو جینس مسالہ سی ایله باغلی باش وئرن دییشیکلیکلر و بو ساحه ده قاباقجیل اولان قانون لارین قبول ائدیلمه سی، جینسی و جینسیتی مسالہ لرینه داییر موختلیف شرحلره ایمکان وئرن بیر ایکیلیگین اولدوغونو گؤستریر.



© Transindia Documentary | Meera Production

«گاردین» دہ یاینلانان پاکستانلی ہیجرالارین شکیلی

«گاردین» قزئتسیندہ درج اولونان مقاله دہ بو وضعیت داها دقیق شکیلده تصویر اولونور. مقاله دہ قئید ائدیلیلر کی، ۲۰۰۶ جی ایلده «پرویز مشرف» یین «جرج بوش» لا گوروشو زامانی کئچیریلن مطبوعات کنفرانسیندا آزلیق لارین گوجلندی ریلمه ئی مساله سی موذاکیره ائدیلیل. مقاله یه گوره، مشرفین همین مطبوعات کنفرانسیندا آزلیق لار دئدی کده هموسکسوال لار نظرده توتولموش اولا بیلمز، لاکین بعضی هموسکسوال لار حساب ائدیلیلر کی، پاکستانین عمومی موحیطینده معین بیر «قبول» مئیلی یارانیر. بو میل، مقصدلی شکیلده هموسکسوال لیغین قارشى ننگاتیو حساس لیغی گؤز آردی ائتمک و مساله نین هموسکسوال لار اوچون داها دا مرکب لشمه سینی آزالتماق مقصدی ایله یاران دیغی گورونور.

بو مقاله دہ همچنین «هیجرا» لار آدلانان قوروپ لارین، کؤکلهری مغول لار دؤورونه قدر گئدن، پاکستانین بویتون بؤیوک شهرلرینده مؤوجود اولدوغو قئید ائدیلیلر. بو قوروپ لار، هموسکسوال لایقلا باغلی چوخ قریبه اؤنجه لنمیش دوشونجه لره باخمایاراق، آکتیو شکیلده قارشى قارشى یا گل میرلر. مقاله دہ کی بیر پاکستانلی هموسکسوال کیشی نین دئدیگینه گوره، پاکستانین مدنیتینده معین بیر قارشى لیلیقلى علاقه فورماسی وار کی، بو دا باشقالارینا یاشاما

ایمکانی بخش ائدیر. بو معلوماتلارین هامیسی بیر آریا گلدیکده، پاکستانین جینسی و جینسیتی آزیلیق لاری ایله باغلی قاریشیق وضعیتینی تصویر ائدیر. سون ایل لرده «پنجاب» رسمیری طرفیندن قادین لارین ماراتون یاریشلاریندا ایشتیرا کینین قاداغان ائدیلمیگی و قادین لار و کیشی لر آراسیندا قئیری قانونی جینسی مونا سبیت لری ن اعدام تهلوکه سی ایله اوزلشه بیله جهیی وضعیت لری ده نظرده آلماق لازیم دیر.

بونولا بئله، مدنی مساله لر بئله بیر ضیدیتلی موحیطده «ایمکان» بوشلوق لاری یارادا بیلر. «ائشجینسل کیشی لر مونا سبیت لری نی گیزلی ساخلایا بیلر، چونکی مدنی باخیمدان کیشی لری ن بیر بیرینه یاخین اولماسی معین درجه ده «نرمال» ساییلیر. حتی کیشی لری ن کوچه لرده و ایجتیماعی یئر لرده بیر بیرینین الینی توتماسی قئیری عادی حساب ائدیلمیر. بونولا یاناشی، هموسکسوال لیک، جینسی مونا سبیت لر له علاقه لی هر شئی کیمی چوخ گیزلی و تابولاشدی ریل می ش دیر.»

جنوبی آسیانین بیر چوخ بؤلگه سینده، او جومله دن پاکستان دا، اوچونجو جینسه عایید جمعیت - مقاله نین گیریشینده قئید اولونان معنادا- هیجرالار موجود دور. اینگیلیس دیلینده بو آنلاییشلار «ترنس جندر»، «اینترسکس» و یا «اوچونجو جینس» اولاراق ترجمه ائدیلمیر. لاکین بونلار هئچ ده «هیجرا» آنلاییشینین دقیق ترجمه ئی اولمایا بیلر، چونکو اوچونجو جینس و هیجرالارین مدنی و تاریخی کونتئکستی اینگیلیس دیلی و مدنیتینده موجود دئییل. بیر بؤلگه نین دیلینده موجود اولان آنلاییش لارین مدنیت، تاریخ و سوسیال مونا سبیت لردن قایناقلان دیغی نظره آلیندیغیندا، پاکستان جمعیتینده: «اوچونجو جینس» جینسی کیملیگینین «قبول» ائدیلمه سینین مدنی و سوسیال ضمین لری اولدوغو قناعتینه گلمک اولار. لاکین، دیگر مدنیت لر و جمعیت لر ده اولدوغو کیمی، ترنس جندر لر و «اوچونجو جینس» شخص لر ده اساس مدنیت ده تحقیر و زواکیلیق واسیطه سی اولموش دور. بو آرا وضعیت و مورکبلیک، جینسی و جینسیتی آزیلیق لاری حقوقلاری اوزره فعال لارین و تشکیلات لارین اوچونجو جینس مساله سینه و اونون جنایت سایلماماسی اوچون فعالیت لرینه یؤنلمیش دیققتینی ایضاح ائده بیلر.



فایضان فیاضین پاکستان دا جینسی و جینسیتی آزلیق لارین وضعیت حاققیندا اولان «قاپالی» فیلمین بیر گورونتوسو

پاکستان دا جینسی و جینسیتی آزلیق لاری حرکتی نین اساس پروبلم لریندن بیر گورونورلوک و تمثیلچیلیک مساله سی دیر. عمومی باخیش دا گورونور کی، پاکستان جمعیتی جینسی و جینسیتی آزلیق لارینی عدالتسیز قانون لار و ایچلش میس سوسیال آیری سئچکیلیک لرله ایجتیماعی و سوسیال مکان لاردان سیلیب، اؤته کیلشدیریر.

فایضان فیاض، قاپالی-پاکستان دا لگب جمعیتینین گیزیلی حیاتی آدلی بلگه سل فیلمی نین رژیسور، ۲۰۰۵ جی ایله ده بو فیلم ده پاکستان دا جینسی و جینسیتی آزلیق لارینین وضعیتینی آراشدیریب. بو موضوع ایله باغلی وئردیگی بیر موصاحیبه ده دئییر: «گیزیلی حیاتی یاشاماق پاکستان مدنیتی نین اهمیتلی بیر طرفینی احاطه ائدیر. بئله لیکله، لگب جمعیتینین بیر چوخ عوضو اطرافیمیزدا اولدوغو حالدا، بو جور حیاتی نادیر حال لاردا رسمیته تانینیر، هله کی قالسین دستکله بیجی قانون لار و بو توپلوما حورمت.»

لاکین جینسی و جینسیتی آزلیق لارین اینکار ائدیلمه سی و گیزلدیلمه سی سیاستی و اونلارین ایجتیماعی حیاتدان چیخاریلماسی سیاستی هر زمان عینی شکیلده تطبیق ائدیلمیر. بو بحران پاکیزستاندا ترنسجندر و لگبت جمعیتی نین دیگر عوضلری (لگب) آراسیندا موختلیف فورملاردا اؤزونو گؤسته ریر. بو جینسی و جینسیتی آزلیق لاری جمعیتی و اونلارین حرکت ساحه سینده ده داخلی بییر بحران چئوریلیب. ترنسجندرلر و لگبت جمعیتی نین دیگر عوضلری فرقیلی تضییق لر و آیری سئچکیلیک لرله اوزله شیر کی، بو دا بییرلیک و بییرگه موباریزه اوچون علاوه چتینلیک لر یارادیر.

سارا سهیل بو مساله ایله باغلی شش رنگه دئییر: «پاکیزستان ایندیکی شراییطینده ترنسجندرلر و هیجرا کیملیگی ایله هموسکسوال کیملیک آراسیندا بؤیوک بییر فرق وار. ترنسجندرلر قانون لاردان ایستیفاده ائدهرک، هموسکسوال لاردان مصافه لرینی قورو یورلار. اونلار تاریخی کیملیک لرینی پاکیزستانین ایسلام قانون لاریندا دا رسمیلشدیره بیلیبلر. حالبوکی هموسکسوال لیق هله ده گیزلی بییر مساله اولاراق قالیر. بئله لیکله، ترنسجندرلر و هیجرالارین ایجتیماعی و سوسیال سیمالاری وار، حالبوکی هموسکسوال لارین هئج واخت ایجتیماعی و سوسیال سیماسی اولماییب. بو مساله، جینسی و جینسیتی آزلیق لاری جمعیتی آراسیندا بییر بوشلوق اولاراق اؤزونو گؤسته ریر.»





پاکستان جمعیتینده ترنسجندر فردلرین مساله سی، تاریخی مستملکچیلیک کئچمیشینی، نیسی سوسیال مشاهیده و ایسلام قانون لاری دیکته آلاق، خصوصی مورککبلیکله مالیک دیر. بو مورککبلیک لر، چتینلیک لرله یاناشی، ترنسجندر آکتیویست لر اوچون دیگر جینسی آزلیق لار جمعیتینین عوضولرینه نیسبتن داها چوخ فعالیت و حرکت ساحه سی تامین ائدیر.

سارا سهیل بو موضوع دا دئییر: هیجرالار تاریخی کیملیک لری سایه ئینده گورونورلوک و سوسیال موجودلوغا مالیک دیرلر. لاکین، گئندر کیملیگی تمامی ایله گیزلدیله بیلمه یه جک بیر شئی اولسا دا، هیجرالار و ترنسجندرلر درین یاپی، سوسیال و عایله وی زورلوکلوق لارلا اوزله شیرلر. بیر چوخ ترنسجندر و یا اینترسکس اوشاق لار عایله لری طرفیندن رد ائدیلیر. لاکین اونلار بو زورلوک لار و سوسیال ردلرله مباریزه آپاراق اؤز کیچیک جمعیتلرینی قوروب لار و حتی گیزلی اورتاق دیل یارادیب لار کی، بو دا هیجرالارا معین درجه ده تهلوکه سیزلیک و سوسیال کیملیک تعمین ائدیپ.»

سارا وورقولاییر: «کولونیال دؤوردن اول هیجرالارین و ترنسجندرلر فردلرین جمعیت ده قبول ائدیلمه سی داها یوکسک ایدی. بو مساله کولونیالیزمدن سونرا دیشدی. بوگونکو پاکستان دا بیر چوخ ترنسجندر و هیجرا قوروب لاری سیاسی، ایقتیصادی، و سوسیال باخیمدان اوزاقلاندیریلیب.»

باشقا سؤزله، پاکستان دا ترنسجندرلر حاققیندا هر ایکی رئاللیق موجود اولوب. بیر طرفدن هیجرالار مستقل گئندر کیملیگی تاریخه مالیک دیر، دیگر طرفدن ایسه بو کیملیگه قارشلی زوراکیلیق و سوسیال رد ائدیلمه ایچسله شیب. سوسیال چیخاریلما و آزلیق ایستاتوسونا سالینما ایله بیرلیکده یاپیسال آیری سئچکیلیک بو جمعیتین گئچیم مساله سینی او قدر چتینلشدیریر کی، هیجرالارلا باغلی آن مورککب مساله لردن بیری گئچیم مساله سی دیر. «اچونجو جینس» پاکستان دا بو وضعیتی نظره آلاق، عادتین «دیلنچیلیک» و «سکس ایشچیلیگی» ایله گئچیم تامین ائدیردی. بو مساله اونلارین چوخ قاتلی تحقیر و آیری سئچکیلیکله معروض قالمالارینا سبب اولوب و اونلارین ساغلیق وضعیتینین داواملی اولراق تهلوکه آلتیندا اولماسینا سبب اولور.



هيجرالار و ترنس شخص لرين حرکاتی و باشاریلاری

مؤختلیف سوسیال و سیاسی گۆسته ریجی لری و حادیثه لر، او جمله دن ترنس جندر و هيجرالارین تاریخی کیملیگی، ترنس جندر فردلر طرفیندن داها چوخ هم رای لیک یاراتما اوچون تشکیل ائدیلن کیچیک جمعیتلر، ترنس جندر اوچونجو و جینسین تانیماسی اوچون قانون لارین دیشدیر یلمه سی و حتی بو جمعیتین عوضلری نین پاکستان پارلمان تینه نامیزد اولماسی کیمی مساله لر، ترنس جندر آکتیویستلری نین سون اون ایل ده کنارلاردا اؤز کیچیک قورولارینی قوراراق تشکیلاتلار نیش فعالیت لرله کئچدی کلرینی گۆسته ریر. بو گۆسته ریجی لر و حادیثه لر، سون اون ایل ده داها چوخ تشکیلاتلار نیش فعالیت لرله ایمکان یاراتماقلارینی و بو ساحه ده داها چوخ اوغور یازان دیق لارینی گۆسته ریر.

سارا سهیل بو موضوع دا دئییر: «حقوقی دیشیکلیک لر، اینسان حاققلاری قورولاری، فئمینیسیتلر و آن اؤنملیسی ترنس جندر آکتیویستلر آراسیندا قورولان کوالیسیادان چیخدی. ترنس جندر آکتیویستلر بو کوالیسیانین مرکزی نیش تشکیل ائتدی لر و مکانی بئله دیشیکلیک لرله دوغرو یؤنتدی لر. اونلار کوچه لرده، پلیس ایراده لرینده و چوخ دیگر یئرلرده فعالیت گۆستر دیلر. همچین، «بیرلشمیش میلتلر تشکیلاتی نین اینکیشاف پروقرامی» کیمی بین الخالق تشکیلاتلارین واسیطه سی ایله پاکستان حؤکومتینه تضییق ائتدی لر و فئمینیسیتلر، اینسان حاققلاری تشکیلاتلاری و آکتیویستلر ایله یئکون کوالیسیا قوراراق حقوقی دیشیکلیک لرله ناییل اودولار.»



اوچونجو جینس اطرافیندا جریان ائدن حرکتلیلیگی ۲۰۰۹ جی ایلده پاکستان عالی محکمه سینده تقدیم اولونان موراجیعتده گۆرمک اولار. همین ایل پاکستان عالی محکمه سینین حاکیمی، ترنس و هیجرالاری «اوچونجو جینس» اولراق برابر حقوق و سوسیال مسؤلیتلره مالیک وطنداش لار کیمی تانیدی. «ایلگا» تشکیلاتی نین عضو، پاکستان داکا بو دیشیکلیک لار زامانی جینسیت آزلیق لاری ساحه سینده فعال اولان، «هوپ» (یالنیز مثبت گۆزلنتی لرینیز اولسون) موسسه سینین قوروجوسو و ایجراچی دیرئکتورو اولان «مانی ای.کیو» بو باره ده شش رنگه دئییر: «۲۰۰۹ جی ایلده عالی محکمه یه تقدیم اولونان موراجیعتین معیت چاتیشمازلیق لاری وار ایدی. ۲۰۱۶ جی ایلده هیندیستان دا «هیندیستان نوماینده لر پالاتا» سین دا ترنس شخص لرین تانینماسی ایله باغلی قانون لایحه سی حاضیرلانیب و تقدیم اولونموشدو. بو لایحه ۲۰۱۷ جی ایلده هیندیستان دا ترنس شخص لرین تانینماسی اوچون حاضیرلانمیشدی و لایحه بیرباشا ترنس شخص لرین ایجماعی نین عوضلری طرفیندن حاضیرلانمیشدی. حۆکومت بو لایحه نین بیر نسخه سینی بیرلشمیش میلتلر تشکیلاتی نین قاقچین لار اوزره عالی کومیسارلیغینا تقدیم ائتدی کی، اولار بو لایحه نی یئنی دن ترتیب ائتسین لر. آنجاق بو اولارین وظیفه سی دئییلدی، خصوصن ده اولارین دیققتی داها چوخ هیجرالار مساله سینه یؤنلمیشدی. منیم ده ایچینده اولدوغوم فئمنیست بیر قوروپ و آکتیویستلر، داها سونرا بو موضوع دا لایحه حاضیرلاماق لا مشغول اولدولار. بو لایحه داها چوخ و رنگارنگ اوچونجو جینس و جینسیت آزلیق لاری ایجماعی نین ایشتیراکی ایله تاماملاندی و پاکستان دا ترنس جنرلر اوچون دستک لایحه سی شکلینده تقدیم ائدیلدی.»

مانی ایله اولان صحبت لردن ده گۆرۈندۈگۈ كیمی، پاكیستان دا اوچونجو جینس مسالہ سی ایله باغلی دیشیکلیک لر هیندیستان دا جینسیتی و جینسی آزلیق لار حرکاتی ایله ده باغلی دیر، چونکو بو ایکی اۆلكه ده جینسیت و جینسی آزلیق لارین کیریمینالیزاسیاسی و کولونیا لیزم تاریخی بۆیوک بیریتانیا زرفیندن بیر بیرینه بغلانمیش دیر. سارا سهیل دوام ائدیر: «هیندیستان دا جینسیت و جینسی آزلیق لار حرکاتی بیزه حقیقتن اومود وئردی. اینسان لار هیندیستان عالی محکمه سی نین کولونیا ل ۳۷۷ جی ماده نین لغو ائدیلمه سینه چوخ گۆزل بیر حادیته کیمی باخیرلار. پاكیستان حرکتی مطلق هیندیستان دان ایلهام آلدی. بیز هیندیستان نین بو مسالہ نی نئجه باشلاتیلدیغینی ایزله بیریک. البته کی، بیز یالنیز هیندیستان داکی دئییل، هم ده نئپال داکی، بوتان داکی، سریلانکا داکی و جنوبی آسیانین موختلیف بۆلگه لرینده کی لگت حرکات لارینا باخیریق.»

عالی محکمه نین ۲۰۱۱ جی ایله وئردیگی قارار گۆره، هر بیر پاكیستانلی اؤزونو کیشی و قادین جینسیت ایکیلیگی نین خارچینده تانی یارسا، بونون اوچون کیملیک بلگه سی طلب ائدرک بو کیملیگی رسمیلشدیره بیلر. بو دیشیکلیک لر، ترنسجنر فعال لاری نین و فمینیسیت لرین و اینسان حقوق لاری مودافیعه چی لری نین چابالاری ایله باش وئردی و نتیجه ده پاكیستان ترنسجنر جمعیتی سیاسی و سوسیال ساحه لرده داها چوخ ایشتیراک و گۆرونورلوک الده ائده بیلدی. مثلا، ۲۰۱۳ جو ایله ایلك دفعه اولراق ۳۲ یاشلی «سنم فخر» آدلی شخص، هیجرا اولراق تانینان بیر، پارلمانن نوماینده سی نامیزه دی اولدو، او، جسارتله بیان ائتدی کی، هیجرا جمعیتی رققاص و دیلنجی دن داها اوستون بیر جمعیت دیر.»

بو دیشیکلیک لرین آن اهمیتلی علامت لریندن بیر ده ترنسجنر هیجرا لارین اینجه صنعت مرکز لرینده و فستیوال لاردا داها چوخ گۆرونور اولماسی دیر. ۲۰۱۶ جی ایله «پاكیستان و دانیمارکا فیلم، دیالوق و اینجه صنعت فستیوالی» نین تشکیلینده فعال ایشتیراک ائدن «کامی» آدلی آکتیویست و ترنسجنر، بو اینجه صنعت فستیوالینده بئله دئییر: «آرتیق یئتر، بیز ده اینسانیق. خصوصی حقوق لار ایسته میریک، سادجه برابر حقوق لاریمیزین تانینماسینی ایسته بیریک.» او، عینی فستیوال دا بئله سؤزلرینه دوام ائدیر: «بیز ائله بیر مکان یاراتماغا چالیشیریق کی، توپلوم، عمومی معنادا ترنسجنر جمعیت و اوچونجو جینس جمعیتی ایله قارشیلیقلى علاقه ده اولسون.» کامی، اؤزو ۲۰۱۴ جو ایله بو فستیوالین تاسیسچیلریندن بیر ایدی. بو فستیوال دیگر قوروم لارین دسته یی و تشبوتی ایله مختلیف شهرلرده کئچیریه بیلدی. مثلا «تی.تو.اف» آدلی مدنیت مرکزی «سابین محمود» طرفیندن کراچی ده قورولدو. سابین محمود ۲۰۱۵ جی ایله

گوله لنه رک اؤلدورولدو و بوندان سونرا بو مرکزین رهبرلیگی «ماروی ماهزار» طرفیندن عهده لندی. ماهزار بو فستیوال حاققیندا دئییر: «دوشونورم کی، بو ترنسجندر ایزله بیجی لرینین موختلیف ایزله بیجی لرله بیرلیکده بیر آرایا گلرک بیرلیکده گؤزل واخت کئچیردیکلری ایلک پروقرامدی.»



شکیلین آچیخلاماسی: ۲۰۱۸ جی ایلین مارت آییندا اعتیرازچی لار، ترنسجندر علیه ینه زوراکیلیغا قارشى و ترنسجندرلرین مودافیعه قانون لارینی دستکله مک اوچون لاهوردا کوچه لره چیخیب لار.

آکتیویست لرین بو ساحه ده کی فعالیتلری نین دوامی اولاراق، مانى و سارا دا قیسا جا بوندان بحث ائتمیش دیلر. اوچونجو جینسین قانونیلشمه سیندن ۲۰۱۸ جی ایله قدر اولان دؤورده، هیجرالارین، ترنسجندرلرین و اونلارین طرفدارلاری نین موختلیف شهرلرده کوچه اعتیراض لاریندا ایشتیراک ائتدیکلری موشاهیده ائتمک مومکون دور. ۲۰۱۵ جی ایله پيشاور شهرینده کی اعتیراض لارین بیرینده، رادیو آزاد اورپا نین موخبیرینه گؤره، توپلاشانلار، ترنسجندر شخص لر اوچون دستکله بیجی قانون لاری نین قبول ائدیلمه سینی طلب ائدیبلر. ۲۰۱۷ جی ایله بنو شهرینده کئچیریلن باشقا بیر میتینگ ایسه، هیجرالار و ترنسجندرلر اؤز رقص لرینی ایجرا ائتمه مکان لارینا کی اونلارین گلیر قاینای ساییلیر، قویولان قاداغیا اعتیراض ائدیبلر.

باشقا بىر تارىخىي ھادىئە، ۲۰۱۸ جى ايلين ياپيندا پشاور شھرىندە سوزلرجه ترنسجندر و ھىجرا نومايىشى ايدى. بو نومايىش، بىر توى مجلسيندە «نازو» آدى بىر ترنس قادينين اۆلدورولمەسى و جسدينين پارچالانماسيندان سونرا باش وئردى. بو اعتيراضلاردا ھىجرالار و ترنسجندر شخصلرين اۆزلىرى اوچون دستكلەيىجى قانونلار طلب ائيدى.

بئله ليكلە، اوچونجو جينسى كيمليگين وطنداش حقوقلارى ايله بىرليكدە تانينماسيندان سونرا، بو ايجمانين مودافيعەسىنى تامين ائدجك حقوقلار و قانونلار اوچون طلبلر آرتدى. اوچونجو جينس اوچون مودافيعە قانونو، جمعيتدە كۆك سالميش سوسىيال و ياپيسال آيرى سئچكىلىك حاللاريندا اونلارين مودافيعە چىسى اولماق اوچون نظردە توتولوب، نہايت، ۲۰۱۸ جى ايلين مى آينين سىككىزىندە، پاكىستان مىللى بىرلىگى طرفيندن قبول ائيدى و بو اساسدا، اوچونجو جينسە قارشى آيرى سئچكىلىك و زوراكيلىغين قارشىسىنى آلماق و مونساييتلىرى تنظيملەمكاوچون چوخ بۆيوك بىر آددىم ائيدى.

بو دستكلەيىجى قانونا اساسن، مکتبلردە و ايش يئرلريندە اوچونجو جينس كيمليگينه ماليك شخصلرە قارشى آيرى سئچكىلىك و زوراكيلىغين قارشىسى آكتيو شكىلدە آينمالي دير. ھمچنين، بو قانونا گۆرە، ميراث مسالەلريندە اوچونجو جينس كيمليگينه ماليك شخصلرين وضعيتيندە معين ديشيكلەر ائدلمەلى و عاييلە و جمعيتدە زوراكيلىغا معروض قالان بو ايجمانين عوضولرى اوچون سيغىناچاق ائولرى قورولمالي دير. بوندان علاوه، بو قانونا اساسن، اوچونجو جينس كيمليگينه ماليك شخصلرين حبس اولونماسى حاليندا اونلارين قورونماسى و تھلوكە سىزلىگى مسالەسى نظردە آينمالي دير.



اوجونجو جینس قانونونون قبول ائدیلمه سیندن سونرا پاکستان دا جینسی و جینسیتی آزلیق لار ساحه سینده دییشیکلیک لر

۲۰۱۸ جی ایله قبول ائدیلن ترنس شخص لری قورویان قانون، پاکستانین جینسی و جینسیتی آزلیق لاری جمعیتی اوچن مثبت بیر آددیم اولدو.

بو قانونون مضمونونا گؤره، هر کس اؤزونو کیشی، قادین، هر ایکسی و یا هئج بیر اولاراق سئجه بیلر و جینسیت کیملیگی رسمی سندلرده، مثلا، میلی شخصیت کارتیندا، پاساپورتدا، سورجولوک کیملیگینده و تحصیل سئرتیفیکاسیندا بیلدیرمک حقوقونا مالیک دیر.

قانون، میراث حقوق لاری، تحصیل، ایشه قبول، سئچکی، ایجتیماعی وظیفه لر، ساغلاملیق، ایچمالار و ایجتیماعی یئرلره و مولک لره گیریش حقوق لارینی تامین ائدیر. بونا باخمایاراق، بو قانون، رادیکال ایسلامچی قورولار داخیل اولماق لا، آچیق آشیکار موخالیفتله قارشیلانیدی.

۲۰۰۳ جی ایله پاکستانین فدارل شریعت محکمه سی قانونون بیر حیصه سینی ایسلام پیرینسپلرینه اویغون گلمه دیگینی بیان ائده رک قوه دن سالدی. معلومات لارا گؤره، محکمه باشچیسی سید محمد انور و قاضی خادم حسین، ۲۰۱۸ جی ایل ترنسجندر قانونون f ماده سی، ایکینجی بؤلمه نین بعضی حیصه لری و ۷ جی بؤلمه سینی ایسلام تعلیم لرینه اویغون گلمه دیگینی بیلدیردیلر. ۲(n) ماده سی ایسه شریعت اویغون اولمادیغی قئید ائدیلدی. محکمه نین قرارینه اساسن، ایسلام تعلیم لری اینسان آارین اؤز ایسته یینه اویغون جینسیت لرینی دییشمه لرینه ایجازه وئرمیر. قرارداد، فردین جینسیتینین دوغدوغو و اختدا تعیین ائدیلن جینسیتله قالماسی لازیم اولدوغو وورقولانیدی.

همچنین، یئددینجی بؤلمه خصوصی اولاراق قانونسوز اعلان ائدیلدی. چونکو بو، فردلره ایرث حقوقو اوچون جینسیت لرینی معینلشدیرمک ایمکانی وئیردی. محکمه، ایرثین فردین بیولوژی جینسیتی ایله دقیق اویقونلاشمالی اولدوغونو قئید ائتدی. بوندان علاوه، محکمه بیان ائتدی کی، فردلرین جینسیتیندن آسیلی اولمایاراق، اؤزلرینی خواجه سرا (اینترسکس و یا بی سکسوال) کیمی تقدیم ائتمه لری، اگر بو، اونلارین بیولوژی جینسیتی ایله فرقلی ایسه، قانونسوزدور.

بو حۆكمه اساسن، محكمه آچىق شكىلده بيان ائىدى كى، خواجه سرالار اؤز جىنسىت لىرىنى دىيشدىره بىلمزلىر و اؤزلىرىنى كىشى و يا قادين اولاراق تقدىم ائده بىلمزلىر. عىنى زاماندا، حۆكومت خواجه سرا شخصلر اوچون طىبى، تحصيل، و مالييه اىمكان لارى تعمىن ائتمه لى و اونلارنى حقوق لارىنى اناياسايا اوپغون اولاراق تانىمالي دىر. فدرال شرىعت محكمه سى تصدىقله دى كى، ايسلام خواجه سرا آنلايىشىنى و اونولا باغلى قانون لارى تانىير و بو شخصلرىن اناياسادا گۆسته رىلن بوتون اُساس حقوق لارا لايىق اولدوغونو بىلدىردى.

لاكىن، قانون بوتون مادده لى تكرر باخىش مرحله سىنىن سونونا قدر قوده قالاچاق. يئرلى ترنس شخصلر حقوق لارى تشكىلات لارى تكرر باخىش اوچون موراجىعت ائده جك لىرىنى اعلان ائدىلر. ۲۰۱۹ جو ايلين اولىنده، ترنس جندر سؤزو لاهوردا يئرلشن هوپ تشكىلاتى طرفىنن اىلك دفعه اوردو دىلىنده اىستىفاده ائدىلدى و مُتَجَسَّس اولاراق ترجمه اولونوب. بوندان اول، اوردو دىلىنده ترنس شخصلرى احاطه ائدن هئج بىر ترمىن و يا ترجمه موجود دئىل.

بونون دوغورلوتوسوندا، ۲۰۲۲ جى ايلين اكتوبر آيىندا، پاكىستاندا ترنس شخصلرىن آيرى سئچكىلىكدن، اوغورلوقدان و قتلدن داها ياخشى قوروماق مقصدى ايله حۆكومت طرفىنن دؤلت تلفونو خطى آچىلدى. ترنس شخصلرىن ۲۴ ساعات عرضىنده زوراكىلىغى بو خطه بىلدىرىله بىرلر و آلىنان شىكايىت لىر عىنى مودت عرضىنده پوليس طرفىنن آراشدىرىلر. پاكىستان لى ترنس فعال نىب على، تلفون خطى نىن آچىلىش مراسىمىنده «بو بىزىم قورونما غىمىز اوچون تارىخى بىر حادىثه دىر» دئدى. چونكو پاكىستاندا يالنىز زوراكىلىق دئىل، همچىن قتل و اوغورلوق حال لارى دا تز تز باش وئرىر. بو حال لارىن چوخو هئج واخت پلىسه بىلدىرمىر، بونا سبب ايسه ضرر چكنلرىن پلىسه شىكايىت ائتمكدن قورخماسى دىر، چونكو اونلار زوراكىلىق دان قورخورلار.

۲۰۲۳ جو ايلين اولىنده، سند ايالتى، دؤلتى بؤلومده، ترنس شخصلر اوچون يوزده بىر پاى تانىدى. سند، پاكىستانىن دؤلت اورقانلارىندا ترنس شخصلر اوچون پاى وئرن اىلك ايالت اولدو. ۲۰۲۳ جو ايلين يانوار آيىندا سندن اينفورماسىنا ناظىرى سعىد رانى آچىقلادى كى، گلجكده يئرلى و رىگىونال حۆكومتلرىن يوزده بىر يئرلى ترنس شخصلر اوچون آيرىلاچاق. رانى علاوه ائىدى: «ترنس شخصلر اؤزله رىنى جمعىتىن بىر حىصه سى كىمى حىس ائتمه لى دىرلر.»



تصدیق ائدیلن قانون لارا باخاراق، پاکستان جینسی و جینسیتی آزلیق لار اوچون امنیتلی اۆلکه لر آراسیندا می؟

آلینا خان، ۲۵ یاشیندا لاهوردان بیر پاکستانلی اویونچودور. ۲۰۲۳ ایلینده «پاکستانین آن گۆزل ترنس قادینی» اولاراق سئچیلن خان، هانا الهیتمی ایله موصاحیبه سینده دئییر:

«بو قانون لار سادجه کاغیت اسوتونده اویقولانمیر. نه یازیق کی، بو گون توپلوموز هله ده ترنس کیملیگینی قبول ائتمیر. اونلارا قارشى هئج بیر حق ویا قانون اویقولانمیر. بیر ترنس اۆلدوگونده، کیمسه موصاحیبه وئرمیر و یا بونو آراشدیرمیر. بیر اوشاق ترنس اولاراق آچیلدیغیندا، عایيله اوچون بیر اوتانچ قاینای اولار و اوشاق آرتیق دستکلنمز. عمومیتله گئنجلر ائوله رینی بوراخماق زوروندا قالیر. چالیشما و یا تحصیل اوچون شانس لاری یوخدور و تک سئچه نکلری دینجیلیک و یا سکس ایشچیلیگی دیر.»

پاکستان حۆکومتینین سون ایل لرده ترنس شخص لره وئردیگی نیسبی دسته یه باخمایاراق، دیگر جینسی و جینسیتی آزلیق لارینا قارشى تضییق لر و باسقی لار آرتیر. فدرال شریعت محکمه ئی، می ۲۰۲۳ ده وئردیگی قراردا، هموسکسوال داورانیش لارین «اخلاقا ضید» اولدوغونو و بو «اخلاقسیز مونسبیت لری نین شیطانین عمل لری» اولدوغونو بیلدیردی. بئله لیکله، آچیق شکیلده نفرت یایماغا و شیددت تطبیق ائتمه یه ایجازه وئردی.

۴ می ۲۰۲۳ء، اؤزل تحصیل تشکیلات لارینی تنظیملمه قورومو (PEIRA)، هموسکسوال ائولیلک لر حاققیندا معلومات لاری عکس ائتدیرن، «سوسیولوژی دؤوره سی کیتابی» نین چاپینی، یاییمینی، بؤلوشدورولمه سینی و درس لرده ایستیفاده سینی قاداغان ائتدی.

مارت ۲۰۲۲ء، کراچی ده کی دؤولت ایداره ائتمه مکتبی (IBA)، ایکی طلبه نین سوسیال مئدیادا اونیوئرسیتتده هموسکسوال موضوعوندا بیر پارٹی ویدئوسو پایلاشدیقدان سونرا، طلبه لردن بیرینی بیر ایل مودتینده تاخیره سالدی و ایمینجی طلبه نین اونیوئرسیتتته گیرمه مه سی و دیگر اونیوئرسیتتت خیدمتلریندن ایستیفاده ائتمه مه سینی قاداغان ائتدی. دؤولت اونیوئرسیتتتی نین ایداره سی، مطبوعات آچیقلاماسیندا اینستیتوتون «عادت عنعنه لرینه و اخلاقینا ضید» هر هانسی فعالیت لری قطعیتله قینادیغینی بیلدیردی.

۲۰۲۰ جی ایله، پاکستان دا حاکیمیت لری هموسکسوال کیشی لر اوچون تانیشلیق تطبیقی اولان گرایندر، «اخلاقسیز و اویقون اولمایان مضمونون یاییلما سی» سببیدن بلوکلاندى.

بونا گؤره، دینین سیاسته گئیش شکیلده ائنتتگراسیاسی و شریعت قانون لاری نین قانون وئریجیلیگه موداخيله سی نظره آلیندیغیندا، اینسان حقوق لاری و قادین لار ایله جینسی و جینسیتی آزلیق لارینین حقوق لاری نین قورونما سی گؤزله نیله بیلمز و تاسسوف کی، هموسکسوال علاقه له رین جینایت تورتتمکلدن چیخاریلما سی یاخین گلجکده باش وئرمه یه جک.

بین الخالق عفو اؤرگوتو طرفیندن یایمیلانان معلوماتا گؤره، می ۲۰۲۳ء، تنقیدچی لرین و موسلمان رادیکال لارین ترنس شخص لری قوروماق قانونونون تصدیقینه قارشى شیکایت لری نتیجه سینده، پاکستان فئدرال شریعت محکمه سی، گئندر کیملیگینه، کیملیک معینلشدیرمه حاققینا و ترنس شخص لرین ایرث حقوقونا عایید اولان بؤلومله ری اسلام پیرینسپ لرینه ضید حساب ائده رک، بو بؤلومه له رین دایان دیریلما سینی امر ائتدی.

رهاب ماهامور، بین الخالق عفوین آراشدیرما آسیستانی، پاکستان فدرال شریعت محمه سی نین ترنس شخص لرین حقوق لارینی قوروماق حاققیندا قانون بعضی حیصه له رینی پوزان قرارینا جواب اولاراق دئدی: «بو قدر پاکستان ترنس جندر و گئندر چئشید لیلیگی اولان اینسان لرین حقوق لارینا ضرر دیر. بوندان علاوه، محکمه نین بعضی موشاهیده لری ائمپیریک ثبوت لار یئرینه احتمالی سناریولار اساسیندا دیر. ترنس شخص لر و گئندر چئشید لیلیگی اولان اینسان لارین اساس حقوق لاری نین اینکار ائدیلمه سی، کؤکو آیری سئچکیلیک، قورخو و دیسکیریمیناسیایا

دایانان فرضیه لرله یؤنلندیریلمه مه لی دیر. پاکستان دؤولتی طرفیندن ترنس و گئندر چئشیدلیلیگی اولان اینسان لارین جینسیت کیملیگی حقوقونون اینکار اوچون آتیلان هر هانسی آدیم، اولارین بین الخالق اینسان حقوق لاری قانون لارینا اساسلانان عهده لیک لری ایله، یئنی مولکی و سیاسی حقوق لار حاققیندا بین الخالق پکت و پاکستانین ایشتیراکچیسى اولدوغو قادینلارا قارشى بوتون فورمالاردا آیری سئچکیلیگین لغوی کنونئساسی ایله ضیدیت تشکیل ائدیر. پاکستان دؤولتی، ترنس و گئندر چئشیدلیلیگی اولان اینسان لارا قارشى زوراکیلیق، آیری سئچکیلیک و تهدیدلرین داها دا آرتماسینا یول وئرمه مک اوچون، واجیب مودافیعه تدبیرلرینین لغو ائدیلمه سینى دایاندىرماق اوچون تعجیبی تدبیرلر گؤرمه لی دیر.»

فئدرال شریعت محکمه سینین (اؤلکه نین آن یوکسک دینی محکمه سی) یئنی قراری ایله سون بئش ایله ده ائدیلمیش ایله ره ییش لر گئری آلیندی. بو قرار یالنیز پاکستانلی ترنس اینسان لاری دئییل، هم ده پاکستانا کؤچ ائتمیش قونشو اؤلکه لرین ترنس اینسان لارینى دا آیری سئچکیلیک و زوراکیلیق ریسکی آلتینا قویور. ۲۰۲۳ جو ایل حساباتینا گؤره، طالبانین حاکیمیتته گلمه سیندن سونرا مجبوری اولاراق پاکستان دا مسکونلاشان بیر چوخ افغانیستانلی ترنسجندر اینسان، پاکستان مامورلاری و رادیکال موسلمان لار طرفیندن دئپورتاسیا و شیددن تهدیدینه معروض قالیب. پاکستان حؤکومتی ده بو اینسان لارا هئج بیر دستک گؤسترمه ییب.



پاکیستاندا جینسی و جینسیتی آزلیق لاری چوخ ساییلی مانع لره باخمایاراق، گیزیلی فعالیت لره و تشکیلاتلارنا آلترناتیولری یازاتماغا دوام ائتدیلر. بو حرکاتین تاریخینده آن اهمیتلی مقام لاردان بیر، هیندیستانداکی جینسی و جینسیتی آزلیق لارینین حرکاتیندان ایلهام لانماق دیر. آن بؤیوک چتینلیک لردن بیر ایسه پاکیستانین جینسی و جینسیتی آزلیق لاری ایجماعسینین خصوصی بیر حیصه سی اولان هموسکسوال لارینین گیزیلی اولماسی و گؤرونمزیلیگی ایدی. بونولا بئله، پاکیستاندا اوچونجو جینسی و هیجرالارین حرکاتینی و سون ایل لرده کی اوغورلارینی اؤیرنمک، موجود ایمکان لاردان ازیلن لر، آزلیق لار و کنارا آتیلیمیش جینسی و جینسیتی قورولارینین خئیرینه آن یاخشی شکیلده ایستیفاده ائتمه لیک. عینی زاماندا، وطنداش فعالیت لارینین، بین الخالق دستک اولمادان اؤز سس لرینی یوکسلتمک مجبوریتینده قالان سس لرین گوجلندیرمه سینه یؤنلمه سی لازیم اولدوغونو اؤیره نیریک. پاکیستاندا جینسی و جینسیتی آزلیق لارین تاریخی، بؤلگه نین و قونشو اؤلکه لرین بیر اولاراق بیزیم اوچون چوخ اهمیتلی دیر و خصوصی ایله ایرانداکی ترنس ایجماعسی اوچون ایلهام وئریجی اولاجاغینی اومود ائدیریک.

رويترزىن سئچىم زامان لاريندا، پاكىستان داكى ترنسجندرلرين وضعيتى حاققىندا مقاله سى:

<https://www.reuters.com/article/us-pakistan-lgbt-transgender/pakistans-transgender-community-says-faced-pushback-at-general-election-idUSKBN1KG2OT>

«بىر آزليقن حقوقو» آدلى قنطره نىن مقاله سى:

<https://de.qantara.de/inhalt/transgender-in-pakistan-menschenrechte-einer-minderheit>

پاكىستان دا ترنسجندرلره قارشى زراكىلىق و قتله قارشى تظاهىرات حاققىندا «آزاد اوروپا» رادىوسونون راپورو:

<https://www.rferl.org/a/transgender-protest-pakistan/29443925.html>

سوسیال شبکه لرده شش رنگ:

📷 [instagram.com/6rangiran](https://www.instagram.com/6rangiran)

🐦 twitter.com/6rangiran

📠 [telegram.me/Iran6Rang](https://t.me/Iran6Rang)

📘 [facebook.com/6rang.Iran](https://www.facebook.com/6rang.Iran)

📺 [youtube.com/user/6rangIran](https://www.youtube.com/user/6rangIran)

✉ info@6rang.org

🌐 www.6rang.org



شش رنگ (ایرانلی لزیبن لر و ترنسجندرلر شبکه سی)

www.6rang.org